

**PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
POSLANICI STRANKE ZA BIH
Azra Hadžiahmetović
Beriz Belkić**

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
-n/r Bože Ljubića, predsjedavajućeg -**

Predmet: Prijedlog Rezolucije o osudi zločina genocida u Srebrenici

Poštovani,

Na osnovu člana 148. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12), kao ovlašteni predlagači, dostavljamo ***Prijedlog Rezolucije o osudi zločina genocida u Srebrenici***, radi razmatranja i usvajanja u Parlamentarnoj skupštini Bosne i Hercegovine.

S poštovanjem,

Poslanici Stranke za BiH

Azra Hadžiahmetović

Beriz Belkić

- Polazeći od Općeg okvirnog sporazuma za mir u Bosni i Hercegovini, posebno Aneksa IV – Ustava Bosne i Hercegovine;
- Polazeći od principa utvrđenih u Preambuli Ustava Bosne i Hercegovine da su se Bošnjaci, Hrvati i Srbi, kao konstitutivni narodi (zajedno s ostalima), te građani Bosne i Hercegovine, odredili da Ustav Bosne i Hercegovine bude zasnovan na osnovu poštivanja ljudskog dostojanstva, slobode i jednakosti; opredjeljenju za mir, pravednost, snošljivost i pomirenje; uvjerenju da demokratske ustanove vlasti i poštenu postupci najbolje uspostavljaju miroljubive odnose unutar pluralističkog društva; vođeni ciljevima i načelima Povelje Ujedinjenih naroda; opredjeljeni za suverenitet, teritorijalnu cjelovitost i političku neovisnost Bosne i Hercegovine u skladu s međunarodnim pravom; odlučni da osiguraju puno poštivanje međunarodnog humanitarnog prava; nadahnuti Univerzalnom poveljom o ljudskim pravima, međunarodnim ugovorima o građanskim i političkim te ekonomskim, socijalnim i kulturnim pravima, kao i Deklaracijom o pravima osoba koje pripadaju nacionalnim ili etničkim, vjerskim i jezičnim manjinama, te drugim instrumentima o ljudskim pravima;
- Poštujući odluke ICTY (Međunarodnog krivičnog suda za bivšu Jugoslaviju) i odluka sudova u Bosni i Hercegovini kojim je utvrđeno postojanje najtežih ratnih zločina i zločina protiv čovječnosti i zločina genocida;
- Poštujući i podržavajući odluke Evropskog parlamenta i dokumente značajnog broja demokratskih država (Austrija, Belgija, Češka Republika, Francuska, Latvija, Luksemburg, Njemačka, Mađarska, Malta, Poljska, Rumunija, Slovačka, Slovenija, Španija, Hrvatska, Švicarska, Lihtenštajn, Nizozemska i Portugal kao i parlamenti Australije i Kanade) o osudi zločina genocida izvršenog u Srebrenici jula 1995. godine:

Na osnovu člana 148. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12) i člana 141. Poslovnika Doma naroda („Službeni glasnik BiH“, br. 33/06, 41/06, 91/06, 91/07 i 32/12), Parlamentarna skupština Bosne i Hercegovine je, na ____ sjednici Predstavničkog doma, održanoj _____ 2013. godine i ____ sjednici Doma naroda, održanoj ____ 2013. godine usvojila

REZOLUCIJU O OSUDI ZLOČINA GENOCIDA U SREBRENICI

1. Parlamentarna skupština Bosne i Hercegovine, polazeći i od postavljenih ciljeva u Ustavu Bosne i Hercegovine i želje da se ovi ciljevi ostvare, najoštrije osuđuje zločin genocida nad bošnjacima, počinjen u Srebrenici u julu 1995. godine.

2. Parlamentarna skupština Bosne i Hercegovine izražava zahvalnost Evropskom parlamentu i svim drugim državama u svijetu koje su svojim rezolucijama ili drugim dokumentima svojih najviših parlamentarnih tijela, osudili zločin genocida počinjen u Srebrenici u julu 1995. godine.
3. Odluke ICTY imaju podršku Bosne i Hercegovine, uz zahtjev da se najznačajnija suđenja koja su u toku, završe efikasno i u skladu s mandatom ovog međunarodnog suda.
4. Parlamentarna skupština Bosne i Hercegovine izražava prezir i gnušanje nad svim ratnim zločinima i kršenjima međunarodnog humanitarnog prava, počinjenim na području Bosne i Hercegovine, očekujući od istražnih i pravosudnih organa da efikasno gone i procesuiraju odgovorne počinioce.
5. Parlamentarna skupština Bosne i Hercegovine izražava prezir i gnušanje nad svim ratnim zločinima i kršenjima međunarodnog humanitarnog prava, počinjenim na području bivše Jugoslavije, očekujući efikasnu saradnju istražnih i pravosudnih organa zemalja bivše Jugoslavije.
6. Parlamentarna skupština Bosne i Hercegovine, uz osjećaj pijeteta i poštovanja za svaku civilnu žrtvu pojedinačno, te posebno žrtve genocida, upućuje izvinjenje i sućut porodicama ovih žrtava.
7. Parlamentarna skupština Bosne i Hercegovine, polazeći od iskrenog uvjerenja da ova Rezolucija doprinosi miru i razvoju društva u Bosni i Hercegovini, traži od svih institucija u Bosni i Hercegovini da svojim propisima i u okviru svoje nadležnosti, regulišu osnove zaštite principa utvrđenih ovom rezolucijom.

PREDSJEDAVAJUĆI
PREDSTAVNIČKOG DOMA
dr. Božo Ljubić

PREDSJEDAVAJUĆI
DOMA NARODA
Sulejman Tihić